

ITUROLA: Hernaniko Elkarlan Sorgunea

Zer da? Zertarako da? ITUROLA, berrikuntza eta eraldaketa sozialean oinarritzen diren esperientzia ekonomikoen bilgunea da, inteligentzia kolektiborako laborategia. Komunitatearen elkarlana ardatz eta pertsonen ongizatea helburu, proiektu sozioekonomikoak garatzeko baliabideak eskaintzen ditugu, Beterri-Burutza eskualdeko ekintzaile eta eragileen artean sarea osatuz, eta ideia, zerbitzu eta ezagutzen elkartrukea sustatuz.

Elkarlan Sorgunea **lanerako espazio partekatua** da, sektore ezberdinetako profesionalak elkartu eta giro kolaboratzailean beren eguneroko jarduna eta proiektuak garatzeko gunea.

Nork eska dezake? Ekintzaileak, freelanceak, autonomak, GKEak, elkarteak eta finkapen fasean dauden enpresak.

Aurkeztu beharreko agiriak: Programaren arabera (*Sorrera, Garapena edo Finkapena*) hurrengo dokumentazio aurkeztu beharko dute erabiltzaileek:

Sorrera

- Elkarlan Sorguneko sarrera-eskabidea behar bezala bete.
- Proiektuko parte-hartzaileen / sustatzaileen Nortasun Agiri Nazionalaren kopia.
- Proiektuko parte-hartzaileen /sustatzaileen Curriculum Vitaea.
- Herri Administrazio desberdinekin dituzten zerga arloko betebeharren ordainketan, baita Gizarte Segurantzarekin dituztenetan ere, egunean daudela adierazten duten jatorrizko egiaztagiriak.
- Eratu berriak diren proiektuak izanez gero, Jarduera Ekonomikoen Zergan eta dagokion Gizarte Segurantzaren erregimenean emandako altaren kopia.
- Beterri-Buruntza Udalek erabilitako metodologiaren arabera sei hilabeteko epe batez Bideragarritasun Plan bat garatuko dutela, eskatutako proiektua eskualdean instalatuko dutela eta lankidetzaren eremuan eta horren ekimenetan denboraren bankuaren bitartez parte hartuko dutela dioen idatzizko konpromiso irmoa.

Garapena


- Elkarlan Sorguneko sarrera-eskabidea behar bezala bete.
- Proiektuaren parte-hartzaileen /sustatzaileen Nortasun Agiri Nazionalaren kopia.
- Proiektuko parte-hartzaileen /sustatzaileen Curriculum Vitaea.
- Herri Administrazio desberdinekin dituzten zerga arloko betebeharren ordainketan, baita Gizarte Segurantzarekin dituztenetan ere, egunean daudela adierazten duten jatorrizko egiaztagiriak.
- Negozio Plana aurkeztea. Beterri-Buruntza Udalen ekintzaitza-zerbitzuen gainbegiradapean egin ez baldin bada, metodologia horretara egokituko dela dioen idatzizko konpromiso irmoa.
- Enpresa abian jarriko dutela, hitzarmena sinatu eta sei hilabete egin aurretik J.E.Z.n eta Gizarte Segurantzaren Erregimenean alta emango dutela, eskainitako ereduari jarraiki eskatutako proiektua eskualdean instalatuko dutela eta lankidetzaren eremuan eta bere ekimenetan parte hartuko dutela dioen idatzizko konpromiso irmoa.

Finkapena


- Elkarlan Sorguneko sarrera-eskabidea, behar bezala bete.
- Proiektuko bazkideen eta parte-hartzaileen Nortasun Agiri Nazionalaren kopia.
- Proiektuko parte-hartzaileen/sustatzaileen Curriculum Vitaea.
- Finantza Entitateak egindako egiaztagiriaren edo beste agiri baliokide baten bitartez eskainitako banku-datuak.
- Helbidea (sozietate-helbidea, zerga-helbidea edo jarduera ekonomikoarena) eskualdeko herriren batean edukitzea.

- Identifikazio Fiskalaren Txartelaren kopia.
- Sozietateak, ondasun-erkidegoak edo erakundeak izanez gero, pertsona eskatzailearen ordezkartza-ahalmena egiaztatzen duen agiriaren kopia.
- Sozietate zibilak, ondasun-erkidegoak, erakundeak edo merkataritza-sozietateak izanez gero, eraketa-eskrituren kopia. Azken kasu honetan, eskriturek Merkataritza Erregistroaren izapidea eraman beharko dute.
- Enpresako langile bakoitzaren Gizarte Segurantzako dagokion Erregimenean edo dagokion Mutualitate Profesionalean emandako alta-agiriaren kopia.
- Enpresak zerga arloko betebeharrak dituen Udal edo Herrialdeetako Herri Administrazio guztiek egindako jatorrizko ziurtagiriak, betebeharrak horietan egunean dagoela egiaztatuz.
- J.E.Z.n emandako altaren kopia eta jarduera ekonomikoan alta-epea egiaztatzen duen Gipuzkoako Foru Ogasunaren ziurtagiria.
- Eskualdeko Teknikarien laguntzarik gabe eratutako enpresak izanez gero, azken hiru ekitaldi ekonomikoetako Egoera Balantzea eta Sarrera eta Gastuen Emaizten Kontua.
- Negozio Plana aurkeztea. Beterri-Buruntza Udalen ekintzailtza-zerbitzuen gainbegiradapean egin ez baldin bada, metodologia horretara egokituko dela dioen idatzizko konpromiso irmoa.
- Komunitatean eta bere dinamiketan parte hartzeko konpromisoa.
- Plantilla eta, beraz, lanerako eremua handituz gero, barneratu berriek dagokien sarrera-eskabidea, NANaren kopia eta komunitatean eta bere dinamiketan parte hartzeko konpromisoa aurkeztu beharko dute.

Nola eskatzen da?

 **Aurrez aurre:** hhz-Herritarren Harrera Zerbitzuan (Udaletxeko beheko solairuan).

Astelehenetik ostiralera: **08:00 - 14:00.**

 **Telefonoa:** Informazio gehiago eska dezakezu, 688.68.49.56 edo 943.256.347 (Luz.515) telefonora deituz.

Internet: www.hernani.eus web orriaren bidez eskaera-orria bete eta Udaletxean aurkez dezakezu eskaera egiteko beharrezkoa den gainontzeko dokumentazioarekin batera.

 **Posta arrunta:** Hernaniko Udala, **hhz**, Gudarien plaza 1, 20120 Hernani

Zenbat kostatzen da?

Elkarlan Sorguneak ordaintzeko bi modu izango dira: alde batetik, onuradunek ordu-ekarpen bat egin beharko dute, dela lankidetzaren bidez edo dela eremuaren eta bere dinamiken onurarako, eta beste alde batetik, kuota ekonomiko bat ordaindu beharko dute.

Eskatutako ekarpen-orduen eta ordaindu beharreko kuota ekonomikoen artean oreka bat egon behar du. Elkarlan Sorguneak abian jartzeko fase desberdinetan onuradunei eskatutako ekarpen-orduak aldatu egingo direnez gero -hasieran ordu gehiago eskatuko zaizkie handik bi urtetara baino- ordainketak egiteko bi modu proposatu dira, Elkarlan Sorgune horiek abian jarriko diren epealdi bakoitzaren arabera egokituko direnak. (Araudiaren 8. puntuan aurkituko duzue informazio zehatzagoa).

Eskaera jaso ondoren jarraitu beharreko prozedura:

Administrazio-batzordeak baliotsi eta izapidetuko ditu eskabideak. Banakako berariazko jakinarazpen baten bitartez ebatziko dira eskabide horiek. Ostean, eremuak okupatu aurretik, lagapen-hartzaile bakoitzarekin hitzarmen bat izenpetuko da eta bertan eremu horien erabilera-lagapena arautuko duten baldintza orokorrak nahiz baldintza bereziak zehaztuko dira.

Nork onartu behar du?

Alkateak

Tramitatzeke arduraren duen udal saila

Tokiko Garapena

Araudi aplikagarria

Beterri-Buruntza Udalen Elkarlan Sorugneen eremuetarako sarrera-prozedura eta horien funtzionamendua ezartzen duen eta espazio hauen programaren funtzionamendua finkatzen duen araudia. 2018ko urtarrilaren 18an GAOn publikatua

HERNANIKO UDALA, hhz-Herritarren Harrera Zerbitzua
Gudarien plaza 1 - 20120 | TEL. 943 337 000 - FAXA 943 552 696
e-posta: hhz@hernani.eus | www.hernani.eus



**Hernaniko
Udala**

